


+



二酉園詩集卷之五

河陽陳文燭玉叔著

五言律

長安鄭
振鐸西
諸子本

成仁卿山人過訪得林字

國朝
甲申
新刻

十載長安道悠悠思故林感君能握手謂我是
知音到處青山興飄然白雪吟不知車馬跡落
日滿城陰

送王素張中舍之深水

君去緣何事臨岐眼倍青螭頭驚起草鳧影度

流萍遠道貽金錯孤燈照玉餅勞亭如載酒莫
遣泣山靈

重陽前一日別董子

匹馬送將歸林間葉亂飛不須逢落帽已自欲
沾衣世好仍鄉國南遊况帝畿金陵如吊古莫
遣尺書稀

中秋無月遲康山人裕卿

今夜關山月應知影正團何緣藏碧漢寧復照
江干卜夜空佳賞吹雲尚廣寒美人天柱去桂
魄可能看

送李孝甫司馭還四明

意氣看誰是逢君駿馬臺詠諧傳客難曼倩自
仙才梧葉當風下黃花計日開迢迢千里夢還
爲故人來

七夕酌包元夫蕭文明

正有飄零感其如落葉何故人頻晤語今夕且
高歌一水浮天際雙星向月過迢迢鄉國路還
似隔銀河

倚杖看明月開尊動晚飈不緣來竝馬空自憶
牽牛衣薄芙蓉露鐘殘蟋蟀秋可知游子夢飛
度仲宣樓

送袁魯望吏部之金陵

去住情何極踟躕在道周班辭鵠鷺曉城擁鳳
凰秋正有黃花約空添落葉愁別來青玉案早
晚一相投

得李潔夫見懷之作却寄

出牧非嚴譴誰憐李謫仙詩篇直可愛諫草更
無前白眼難天問丹心向日懸五雲還詔下空
有泛湖船

寄洞山周上人

爲問叅禪意還同不住心顧余淹北土憶爾在
東林洞古寒雲入山空獨鶴吟繩床留客處何
日復相尋

送胡一重給事使周藩

分封承 帝命擁篲盡王孫故國仍千里何時

更一尊黃河真是帶白雪舊爲園授簡游梁事
囚君此意存

陳太史宅上送其子已蘊秀才南還

通家悵分手才美爾真奇楊柳長亭色槐陰夏
日垂馬遷原世史鯉也早聞詩此去飛騰意猶
慚豚犬兒

送龔子來尹清苑

潘岳重爲令栽花滿縣中故人官似此高興况
相同遠鴈過晴塞飛鳧到漢宮論心知不遠寧
復似蠶叢

送周子相尹南宮

忽與故人別其如芳草何離亭尊酒滿關樹夕
陽多玉屋褰帷近滹沱擊節過君才非百里青
瑣待鳴珂

送陳仁甫太史使楚

玉署承天遣桐圭錫帝封浮湘即司馬作賦况
元龍春盡寒江雨潮迴故國鐘禹禪如可辨還
上祝融峯

其二

何日還東觀今歸侍北堂郊迎入舊識設醴遇
非常柳有大堤綠蘭從九畹香習家池上句好
吊孟襄陽

其三

論心胡可盡握手幾時同典已追周室名應邁
漢宮雲披神女處風挹大王雄若問朝宗意江
流日夜東

其四

此去青山興仍登黃鶴樓烟波迷夏口風葉亂
扁舟羨爾直仙侶令人憶舊遊秋鴻書一紙何
日下汀洲

其五

豈獨憐同姓相看有至交亦知虛視草祇爲重
分茅遠水連孤嶼斜陽掛遠梢湘靈聞鼓瑟逸
調向誰敲

其六

七澤正氤氳登樓悵夕曛關門一以眺尊酒意

何殷青草湖光迥蒼梧樹色分采風無限意思
叩洞庭君

其七

落日帝城闌蒼茫別所親有懷期後晤何事欲
沾巾松幃陰陰合桃源處處春武陵溪谷裏無
復避秦人

其八

山擁層霄外寒帷見太和誰知鼇禁客偏愛鳥
聲多殘雪餘寒色回風響夕波陽春臺不遠爲

我一停舸

只同烏顯卿飲袁子清宅得泉字

六載同燕市今宵是別筵相看交似漆况有酒
如泉長日愁驅馬涼風送暮蟬亦知江海夢時
到五雲邊

同丘汝謙飲高戶部宅次丘韻

竹葉情偏洽榴花晚更紅涼風吹短髮明月正
長空爲問他年會那能此夕同故人倘相念緘
字大江東

送彭生與白之四川

之子今南去江湖迥且平山明殘雪在道遠一
舟輕飛鳥看天際聞猿自客情故人書一紙遙
下錦官城

重九前一日同蕭文明餞別包元夫使淮
天闕來新命仙槎動暮濤今宵聊送遠明日况
登高雨氣飄楓葉寒光落佩刀故人憐去住酌
酌只持螯

九日陳仁甫太史梁思伯舍人邀登靈應

閣未赴

詞客多佳賞徘徊定倚樓空餘陶令興不共
葛強遊碧漢渾無際青楓落未休知君高處望戎
馬有新愁

其二

今日逢重九蕭條獨閉關秋來頰鴈語何處更
龍山逸興風塵外高篇眺覽間五雲樓閣迥一
望杳難攀

別李君寵

數載風塵別相逢亦快哉茲行慚臥閣何處更
登臺木葉隨風下黃花冒雨開北山還共老莫
遣暮猿哀

登赤壁山懷袁履善先生

昔人題賦處高調復相尋秋色還晴樹濤聲自
遠岑一歸江月迥千里暮雲深才子多漂泊能
無淚滿襟

蘄州夜泊

利涉今何處山川楚塞中江清偏受月帆定始
知風赤壁看猶近滄洲思不窮扣舷當此夕噉
噉聽歸鴻

富池驛阻風

水濶揚舲去那堪滯夕波林間棲鶴鶴浪裏見
鼉鼉舟楫慚無補烟霞興更多吳王有遣廟吊
古一經過

彭澤阻風

吹浪乘風急帆檣暫泊灣應憐大別遠前是小
孤山白鳥供詩興青尊慰客顏柴桑翁不見高

詠愧追攀

登小孤山

孤嶼從中起，長江夾岸流。
櫓聲潮欲上，帆亂影初浮。
解珮何年事，探奇此日遊。
仙踪原浩渺，清嘯爲誰留。

望江舟中與張名可共話

風雨朝來歇，沙城好放船。
江流平似鏡，樹色遠如懸。
與爾同鄉國，思家悵暮天。
倘逢衡鴈過，共把尺書傳。

舟泊安慶

浪湧仍羣盜，舟人語夜闌。
獨憐鄉思苦，誰共酒杯寬。
雉堞孤城影，漁燈隔水看。
江湖一萬里，何處是長安。

泊銅陵有懷家大人

水宿風波定，平生始一經。
心隨孤鴈遠，目斷萬山青。
沙白緣明月，潭空倒列星。
懸知江閣上，南望幾迴停。

金陵雨泊有懷家兄

鳴櫓驚初歇江流抱石城忽逢今夜雨不辨暮
湖聲雲漢瞻宮闕天涯憶弟兄淮河聞咫尺明
日又南征

湖上柬徐寶應

烟水渾無際翻同故國秋孤槎迴北斗咫尺是
南州鄉夢驚衡鴈浮沉愧海鷗美人不相見霜
角動新愁

除夕同張名可席上賦

蕭散江淮興蒼茫忽歲除鄉心聊一醉羈旅共
三餘我拙安潘宦君才賦子虛夜深渾不寐燒
燭檢殘書

金陵雨泊懷費參軍馬鴻臚

維梢佳麗處聽雨片時閑不謂雲霄夢偏生烟
水間談天曾二妙把酒對三山明發遙和憶音
書杳莫攀

酬許文夫計部見投之作

星使來三殿風人共一宵才名自湖海世業况
先朝春盡鶯花亂樓孤蜃氣遙縱橫憐彩筆何

以報瓊瑤

周公瑕過淮見訪

懸榻應相待今宵共一尊
風塵雙鬢短然諾片
心存雨氣飛山閣
濤聲落海門
登臨還有約
相與弔王孫

懷陳別駕歸用

爲問歸來興圖書一葉輕
清風餘漢水寒月照
蕪城紫綬泮如屍
青山舊有盟
幾時投我轄
高論坐還驚

送蕭司訓綿州

青天今蜀道白雪舊才名
亦是乘槎去原非問
卜行三魚來講席
萬馬自江聲
後夜懷人夢
迢迢度錦城

陳仁甫檢討使楚游南嶽過郢中登黃鶴樓有三詩懷余因賦却寄

寄我多瑤草衡雲若再開
誰知三殿使來上
九成臺望遠猿聲斷
峯高鴈影回
宅時重載酒同賦
碧山隈

其二

白雪陽春里人應逐使臣和歌誰更好絕調爾
偏新四牡驅金馬三年愧玉麟帝鄉如問俗萬
一遶楓宸

其三

黃鶴樓重建千秋爾再過仙人去何處戀我意
偏多落日愁今古江雲莽薜蘿一麾甘閱寂吾
欲泛烟波

送徐惟得應召

茂宰花封近東南獨令名故人方重別致主是
平生天遠雙龍闕江寒一鴈聲秋來有離夢隨
爾到承明

送胡從治計部還朝

西風吹海色獨樹傍城闔載酒情偏洽臨岐意
更真黃河沉璧馬赤土走鯨鱗無限憂時淚憑
君達紫宸

寄胡計部

咫尺金閨彥徘徊尚下邳正憐良嘒好翻畏簡

書遲風雨褰帷處江湖進艇時秋來青玉案莫
不有新詩

寄丘汝謙計部

新秋憶之子迢遞向誰陳叢桂浮淮浦梧桐落
海濱少年依日月高調出風塵別後談天會于
今有幾人

舟中七夕

秋風吹遠樹孤艇下新潮雲隱雙星度天連一
水遙故鄉真阻絕客舍亦蕭條似此懷人意何
緣問鵲橋

江都謁董子祠

當日成嚴譴于今有特祠園荒秋草蔓山遠夕
陽遲遺像真先代端居似下帷肯同阿世者那
得到天涯

送劉職方赴南都

煩君佐滂郡縱目客心驚司馬承新命孤鴻其
遠征樹分楊子色潮湧石頭城關塞方多事知
君欲請纓

送王司理之常德

淮海明刑日交驩即故知從來官是寄此地日
爲碑江雨飛三楚湘雲隔九疑荆南樓尚在爭
觀仲宣詩如公此南歸

舟中送袁履善先生

萬木逢秋序邊淮葉亂飛獨憐風雨至翻共暮
潮歸酒盡仍揮手江寒欲授衣層城有明月夜
夜憶清暉

中秋同張名可兼送呂子敬南還

城樓夜擊柝明月正當空二妙人如玉其秋桂
已叢寒光浮檻外清影到杯中轉盼扁舟別那
能此夕同新

送許文夫計部還朝

爲問故人去何時心賞同風來吹綠鬢天遠落
青楓孤調塵埃外交情濁酒中淮陽思發粟好
奏未央宮

九月憶聚星樓

往歲茱萸約高樓會最奇只今食菊盡應復念

瓜期鴈語浮空落漁歌隔浦移天涯游宦子風
雨正塞帷對翠墨對

宋九日宿黃堽寺

古寺聞鐘磬秋聲香藹閣路荒迷鴈塔心賞憶
龍山衣冷隨雲臥詩成對月刪勞勞車馬跡應
愧老僧閑

重九後一日盱眙道中

秋日重過此潘生已三毛衆山愁望遠匹馬尚
登高落葉飄征蓋寒雲濕布袍鄉書何處達淮
海總烟濤

送張名可還河

采石磯頭月孤舟去復經片心同夜永雙眼共
山青顧我官如水憐君客是星何須悵岐路振
羽在明廷

送博士陳心伯歸田

與君非異姓况復薦同書綠髮緣何隱青山興
漸舒浮名真是馬講藝兆爲魚孤艇從今約江
湖好卜居

寄康山人裕卿兼詢吳明卿消息

一別何緣晤浮名爾不羈黃金空有路紫氣至今垂
渤海徵書渺江湖客思奇近來南粵使曾為寄新詩

得馮汝行別駕書却寄兼懷汝言光祿

海岱頻東望應憐絕妙辭折腰心共懶作客髮如絲
謝氏俱能賦岑家自好奇山中高臥者玄草正相宜

廣陵舟中得讀家大人夏汭樂府

正有瀟湘夢逢人過楚州親朋多隻字愁病自孤舟
城遠朱樓出天空碧樹浮玄亭多逸調歌遍漢江頭

除夕

爛醉屠蘇酒羈危是異鄉八年仍在外一日幾迴腸
新雨春華動餘寒海氣黃漢陰高臥者今夕憶淮陽

送楊懋功之姚安

冀北曾分手滇南何所之向來憐我意翻為故

人疑驛路真千里山川有四奇沉淪俱莫問孤
艇夕陽遲

其二

剖竹承新命班荆話舊盟蒼山渾寶氣洱海見
珠明水宿春將半潮迴夜欲生一麾君更遠岐
路總關情

管建初山人見訪兼懷黎惟敬梁思伯二
秘書

作客三春半逢人五色毫只今還短褐自爾繼
綵袍對酒山花吐登樓海氣高向來同調者白
雪共誰操

得柴山人季通書却寄

之子今何在長淮好問津傳書思見面懸榻已
生塵大雅還誰是窮交爾亦真當年燕市裏卜
夜有陳荀

得丘計部汝謙書却寄

故國同聲者檄書日欲斜芝蘭原九畹世路歷
三巴春散寒城柳晴飛上苑花江淮那可問磬

折度年華

舟中同張羽王司理賦

孤棹浮淮浦清尊更一開
病餘多起色話久自
憐才夜半寒星落潮迴
爽氣來殷勤歌酒德笑
指伯倫臺

喜沈祠部子文揚姚安懋功張司理羽王

金在衡周公瑕管建初三山人同客淮上

一作風塵吏朝朝案牘間
偶開七子社况對八

公山竹葉青淮浦蘼蕪綠
海灣登臨方有約孤

艇未容還

送許大還萃亭

之子雲間彥招尋到漢陰
一帆天際影千里故

人心木葉乘風下山蟬
落日吟郎官湖上酒何

處更披襟

送談太常思重北上

典禮憐君去長淮偶一逢
金臺多勝賞玉帛自

惟恭新雨舟邊落青山
望裏重廟堂仍設几濟

濟有夔龍

送袁魯望督學山東

秉鐸憐君去孤舟夕照中
諸生原在魯吾道本
來東春色浮沂水寒光映雪宮
不知隣壤者可
使詠歌同

送大兄北上

昭王臺尚在駿馬去如奔
少日千金價青鬃萬
里存人應多狗監我自戀鴿原
尺素頻南度高
堂正倚門

安東署中夢成仁卿

故人成遠別何意夢相尋
使酒多狂態論交有
俠心覺來驚大叫翻似共行吟
莫問浮淮賦風
塵鬢欲侵

答吳博士叔舉

羨爾浮淮興相携鎮海樓
青山多雪調白髮自
風流射策逢明主危言失故侯
何須談往事
蕭散一扁舟

送鄭伯原博士之贛州

淮水維孤艇明經老鄭虔
故山同吏隱佳况亦

登仙白鹿還幽洞青螺出遠天別來有新調應
憶子雲玄山京劉士之辭

酬吳曰南秀才寄家大人之作

何處檄書使關山動暮愁我方慚北海君自是
南州風靜潮偏落雲寒秋欲浮翩翩白雪調應
到郢中樓

贈萬臨海

故人十載別晤語不勝情雲翼曾黃鵠風流在
亦城羊腸經世路漁火聽江聲佇立難分手悲
歌欲請纓

秋夜得家兄書

羈旅思鄉井同胞又上林偶驚書至遠翻令坐
更深梧葉蕭蕭下寒蛩唧唧吟那能將此意飛
夢漢之陰文開山

吳汝奇招飲寄寄亭讀包元夫壁間之作

塵世真成寄亭胡寄此名烟霞常作主去住總
關情魚藻輝圖史鶯花雜管笙向來題詠者高
臥漢江城吳汝奇

夏日的酌吳使君山亭

人境寥寥外言尋此處奇火雲流竹潤纖月到
簾遲市遠心同寂談深坐屢移美人况鄉國渾
似習家池

答蕭文明比部見懷之作

爾向西湖去令人入夢思三秋鴻鴈過一札爽
鳩司恩澤渾千里鄉心共九疑何期淮水上愁
絕詠新詩

席上贈張別駕

正有尊鱸想逢人是季鷹風塵雙短劍尊酒一
孤燈浪跡曾三楚豪華失五陵不知關塞上勳
業許誰能

泊舟赤壁懷曹憲使

聞說山居近層巖兩岸橫美人尚天際艇子暮
潮生楓葉秋邊赤江流月下清當年醜酒者愧
爾臥江城

重九前二日同張羽王司理別梁思伯舍
人分得頭字

逆旅相逢處清淮日暮流一尊開咲口孤艇在
沙頭木葉黃初落茱萸紫正秋維梢君莫去愁
絕獨登樓

九日寄周興叔通政劉學孔光祿

年年當此日風景憶鄉關况有雲霄侶相違咫尺問海天連一水木葉下三山把酒登高處雄篇取次刪

得劉子威侍御見懷之作却寄

南鴻鳴海嶠木葉滿孤城碧澗幽棲處寒雲入望平尺書來雪調白簡有霜清况是秋深日令人憶長卿

得李元甫編修書却寄

故人爲別久感慨興偏長圖史憐東觀音書自朔方雲霄秋露白風雨海天黃獨有江湖夢還能到未央

次張羽王叅軍見貽韻

司馬浮淮日蕭條此客居烟花渾可賦霜葉况堪書孤艇維新水匡山有舊廬伯倫臺尚在莫

遣酒尊虛

與孫兆孺舟中夜話得卿字

維揚應咫尺與爾共舟行
入望鄉關遠臨流霜
雪清故人寒夜語孤渚
暮潮聲獨愧江湖吏無
緣薦長卿

送胡侍御南還

聖主方容直孤臣胡遠行
九重經國疏三徑故
園情寒色迷淮浦浮雲
暗楚城思君應有夢夜
夜繞承明

讀孫洞庭漁人集其子兆孺屬余作傳賦
此輓之

詞客先朝露高名自洞庭
檢囊無禪草垂釣是
文星郢里歌難和湘潭賦
獨醒誰知十載後重
勒故山銘

廣陵舟中寄黃典客并令郎伯仲

細草依沙岸危檣掛暮雲
幾人能結客令我亦
思君問得玄亭字書成白練裙
黃爲皇甫人翩翩
雙鳳羽何日共論文

泗州道中

春日初浮泗聞歌尚大風逢迎名豈著登覽興
徒工柳色征衣上河流擊楫中家書還隔歲徒
倚目飛鴻

送潘孟深兄弟應試

莫說三山近徘徊又一方雨花還舊渚春色正
長楊舉目憐鵬翮凌空自鴈行登臨如有約爲
我洗壺觴

贈程孟孺秀才

之子才華俊山城偶一過蒼茫爲別遠感慨柰
春何賦就驚司馬書成欲換鵝平生游覽意揮
手轉看多

送陳汝聘比部

涼風吹細雨淮口一扁舟飛舄曾勞望鳴珂此
勝游墨花青玉案宮柳白雲樓獨有潘生拙江
湖鬢欲秋

別懋甫程山人兼聞王仲房有浮淮消息
愁絕新詩好飄零爾亦奇正當修禊日又值放

舟時湖白潮初長郊青柳自垂郡齋無一事早
晚待王維

三月三日王仲房山人過淮以詩見投作
此招之

湖海誰同調看君俠氣雄高談仍捫蝨作賦悔
雕蟲幽澗多新溜空庭落晚風汎觴流水曲肯
許昔人工

送楊維喬侍御北上

驛路飛新雨荒亭落晚風賜環霄漢上擊楫大
江中此地曾留犢都人尚避驄春華今又半尊
酒幾時同

送陳懋修給事還朝兼懷李子復京兆

維舟臨遠水把酒對城闌日月今明主雲霄
舊諫臣剖心原二妙聚首又三春青瑣迢迢夜
知君視草新

送戚二叅將之浙江兼懷戚大總兵方山
人塞上

湖海承平日將軍去掉遲難兄名自久羨爾貌

尤奇虎竹風標迥龍沙雲樹移翩翩書記客寄
我有新詩

夢竹書吳孝父卷

白雲杳無際孝子望何深思入檀欒裏時聞鸞
鳳音煙花迷故渚霜葉下寒林獨有淇園在千
秋尚可尋

送張司理羽王北上兼寄黎秘書惟敬

左官非巖譴 君王正好文論心更何處揮手
總難分祖席依芳草行車駐暮雲上林同調者
鴻雁好相聞

吳曰南秀才過訪時許太常邢學士朱比
部金山人寄余江樓吟望卷得名字

昨日重湖泛思君空復情相逢雙髮短旅館一
燈明雨氣寒侵坐潮聲夜入城金陵高詠在多
是舊知名

酬龔懋卿博士見投之作

輟棹逢知己濤聲落海邊文章窮更好意氣老
堪憐高論風塵外清尊夜雨前李膺久不見把

袂一悽然

襲乃于
鱗厚友

倪博士以詩字見投併示謝山人茂秦諸

作感賦

旅館蕭條處高人共往來
劍花浮日月筆陣走風雷
細雨鐘聲濕高原海色回
登臨有詞賦應憶鄴中才

吳山人元止過訪

莽莽長江雨君來鼓棹輕囊携高士
傳書到故人情海色潮偏濕
山花洗後明夜深一尊酒新水蕩孤城

寄楊大叅

談天曾碣石夫子自關西
別去雲應遠相思日欲低
政同河洛潤名與斗山齊
倘有淮南雁能無尺素題

懷李秀才千里

當日登龍意于今喜鳳雛
書藏同二酉賦就即三都
青靄浮東岱滄波自海隅
黃金方買駿連爾向長途

送李侍御孟敬按楚

繡斧下江干，維舟坐夜闌。
異鄉潮更漲，同調會偏難。
雲合三湘近，霜飛六月寒。
平生多意氣，獨向李膺看。

寄懷劉司理遠可

何事悵悠悠，臨風意未休。
美人連一水，作客又三秋。
劉向名方重，陳遵轄可投。
幾時過采石，同賦謫仙樓。

送王元美按察楚中

楊柳武昌城，迢迢入望平。
中朝推執憲，寰海舊知名。
湖帶青山色，江流白雪聲。
荆南樓尚在，王粲有餘清。

其二

掛席大江東，寒濤接遠空。
尊前有明月，到處自雄風。
衡嶽秋回鴈，江臯昔避驄。
故人懷往事，感慨酒杯中。

贈高仲亨叅軍

正有如淮酒，關河路欲分。
百城吾傲吏，萬馬爾

空羣弓影懸新月
旌光拂楚雲
平生一寶劍
解脫贈夫君

寄懷謝子宗鴻臚

憶昔遊三殿
于今是一麾
故人秦典客
明主漢威儀
劍佩天顏近
旌旗露色垂
春亭有芳草
沉醉復何時

送楊少府入賀

故人三殿去
無柰別情何
新水迷平岸
西風送棹歌
孤鴻同戀闕
司馬舊鳴珂
後夜應前齋
蒼生問更多

送林文肯守荊州

少年關塞去
曾爲請長纓
出守鄰三峽
揮毫動百城
風流樓更好
江近月偏清
倘遇衡陽鶴
秋來一寄聲

得謝茂秦鄭中伯書東郭次山

美人雙尺素
同日到淮南
老去詩偏細
秋來思不堪
鄴中還舊社
稷下自雄談
那得扁舟至
山川勝可探

陳德周談金山之勝賦訂後約

聞說金山寺烟雲莽莽深鐘聲浮水面塔影到
江心未得探佳境翻令動遠吟吾家驚坐者知
我愛登臨

陸無從紀旭仁飲報國寺中得聲字

相逢詞賦侶尊酒倍含情卜夜仍初地談禪見
化城星辰空外色風雨竹間聲况聽新秋鴈迢
迢各遠征

同陸無從過寶應湖懷王元美敬美

風急重湖泛舟停野寺鐘濤聲驚萬馬寒色見
雙龍別爾憐秋水懷人共夕吞迢迢更南北好
為采芙蓉

別陸無從歸揚

客計聊蕭寺論文酒數巡君應同陸賈我自愧
陳遵秋雨還懸榻長風又問津清光何所見海
上有冰輪

答貞吉伯仲兼寄余德甫

君家兄弟好况也得良朋千里書偏至三秋思

不勝竹亭留皓月草閣隱青燈試問交游內何
人是信陵

寄俞仲蔚

聖世身寧隱名山臥是游知君常閉戶令我幾
登樓詞賦千年事蓬蒿四壁秋明珠應片片不
惜早相投

送盧大理守南康

故人喜相見作郡又名山匡俗廬還在盧敖杖
可攀百城兼吏隱五老自仙關行矣難爲別雲

東憶舊班

二酉園詩集卷之六

沔陽陳文燭玉叔著

五言律

寄張助甫吏部

尺素頻相寄
相思入夢勞
浮槎驚博望
啓事即山濤
名竝河流遠
秋深嶽色高
不知下里曲
何日爲君操

送李文仲山人南歸兼寄乃弟伯英吏部

孤艇悠悠去
相看且濁醪
秋聲淮浦樹
暮雨廣

陵濤氣合千金報囊餘五色毫惠連應咫尺池
草夢偏勞

酬胡原荆侍御兼寄王承甫安茂卿

故人幾行字偏自感離居倚馬才何後批鱗衆
不如放歌同二仲憔悴異三閭莫說煙霞好君
王憶諫書

答余德甫米用晦

牢落章門社陽春有和篇雞林誰定價鴈字幾
相傳樓閣含山色芙蓉近水邊美人良夜夢何

口一尊前

過真定憶家大人兵備井陘感賦

落日關門吏憐予已棄繻龍泉持憲節鯉對正
庭趨山色還今昔雲蹤任有無寄言防虜使莫
遣度飛狐

過安陽寄謝山人茂秦

蕭散山居與斯人亦竟窮九河名竝遠七子調
相同未敢題凡鳥那能覓便鴻晉雲頻極目暝
色下長空

望太行山

天外垂巖石輿中見太行
片心隨鳥羽萬折畏
羊腸冉冉蹤無定悠悠路自長
鄉心與子王命
落日正蒼茫

穀城山行

樹遠雲俱亂峯危鳥漸稀
夕陽頻送日蔓草欲
鈎衣澗外泉聲合林間暑氣微
誰言茲地險世
路本來崎

光化吳大尹召飲福巖寺席上賦

落日珠林渺華筵寶地開
江聲頻入座雨氣暗
浮杯余本三湘客君寧百里才
論交方有合歸
騎莫相催

其二

時序當炎暑關河已夕春
泉飛千澗雨風送一
聲鐘竹樹分青靄烟雲亂碧峯
憐君偏愛客尊
酒喜相逢

太和宮

孤枕傍嗟峨平臺是太和
斗間星亂落月下露

偏多忽聽霓裳曲誰同子夜歌擁衾渾不寐吾
亦病維摩

紫霄宮

杖屨來仙館蒼茫路正遙白雲常在戶紫氣欲
凌霄鳥語沉芳樹虹飛鎖斷橋亦知天路近明
月坐相邀

南巖宮

怪石從中起巖扉百丈陰摩空驚過鳥積雪在
深林到此真無暑令人發朗吟飛昇如可託肯
復戀朝簪

五龍宮

仙子今何在宮名尚五龍山深時作雨溪響不
聞鐘獨往無同伴何緣覓去蹤諸峯羅列處一
一綉芙蓉

遇真宮

正有真人想其如遇眇然人言臨福地吾意在
先天歲月山中老乾坤此際懸偶來仍駐屐笙
鶴下翩翩

玉虛宮

已覺樊籠累尋幽此更舒樓臺金作闕鐘磬玉
爲虛野色荒烟合寒雲古木踈文皇當日幸
蒼翠滿鑾輿

迎恩宮

睿藻題仙跡須知是聖恩碑殘多鳥篆坐久識
禽言樹隱深盤徑泉迴曲抱源向來臨險阻回
首亦銷魂

淨樂宮

城郭還如舊關門望更新亦知封淨樂何意竟
修真獨鶴依然舞神龍不可馴至今餘夜氣千
載識金銀

過郢中贈日者

數載風塵客今宵過石城故人渾不見得爾遠
相迎天外雙長劍尊前一短檠沉淪江海者何
用問唐生

過石城夜懷曾大叅

詞客今何在緘書昔太華三春吳越舫一望樹

雲賒郢里歌飛雪
天台賦落霞
斗間看紫氣
莫不是仙槎

送費茂才應試

之子過江夏
臨岐錢百壺
人推鸚鵡賦
我愛鳳凰雛
新水連黃鵠
扁舟泛白湖
千金方買駿
竝轡向長途

送蕭仲馨應試兼懷尊君北遊

畫舫去翩翩
秋江月正圓
文章知得意
交好欲忘年
綠鬢青霄上
白雲黃鵠前
天涯抱奇者
應

賦帝京篇

滄浪別業同按察公送家兄兩姪應試

曲徑滄浪水
新秋暑不侵
涼飈生塵尾
高調寄琴心
鶴去還江表
鴻飛定上林
黃金臺畔好
竝馬一追尋

壽胡徵君

爽氣入新秋
登君百尺樓
桃傳青鳥使
花滿白鷗洲
漫話丁年事
應憐甲子周
從今爲君祝
長繫泛湖舟

過庄上喜會諸父

數載歎飄蓬
今宵骨肉同
開尊渾不醉
尺素幾曾通
場圃秋聲裏
牛羊夜雨中
那堪人易老
綠鬢半成翁

十五夜同高王諸都闈及家大人對月傅
司徒山亭

忽驚秋欲半
佳賞此相停
舞鶴多清影
棲鳥見逸翎
鐘來城上寺
月到水心亭
况是高陽侶
何人肯獨醒

過泗水東庄

結茅臨泗水
獨樹傍沙洲
落日驅黃犢
晴烟隱白鷗
問舟多燕尾
舉網得查頭
况值西疇日
農人話有秋

同年陳子壽李和載過訪

故人江海別
尺素幾相聞
竝到逢新雪
還疑隔暮雲
一尊寒夜語
千樹禁林分
莫說河東賦
君

王正好文

送朱在明典客使楚

故人何所去，盡舫度長沙。夾岸青楊柳，寒帷白
藕花。主恩原睦族，天遣得寧家。倘寄投湘賦，臨
風莫令賒。

聽雨軒爲彭進士穉修賦

卜居南浦上，何日共招尋。新雨來空谷，寒雲濕
古琴。懷人偏此際，望爾早爲霖。浙瀝瀟湘夜，吾

家有隱林

隱林在乃
余讀書處

謝山人茂秦過訪席上賦

江海此相逢，青燈夜雨中。漳衡多爽氣，楊柳自
春風。乍見驚垂老，平生只固窮。別來有新調，爲
我寄蠶叢。

答謝茂秦山人送余遊少林詩有千峯雲

共白二水月俱寒之句次韻招之

梵宇知何處，烟雲縹緲看。黃河春帶雨，青靄晝
生寒。二室形稱勝，三花采未殘。才情誰謝眺，好
去共憑闌。

白松

衆木芬榮處，參天一老松。傳言栽玉女，幸不染

秦封雪色時來鶴風聲夜作龍萬年枝可倚長
嘯問仙蹤

去共嵩山寄張助甫吏部往寓書有共游之約
臨眺當絕頂懷人日欲斜却憐身是寄安得此
爲家路轉石蹲虎陰多樹集鴉玉漿如可飲持
此問張華

其二

河洛本名區中天山更孤萬泉聲自合衆壑景
偏殊我尚牽婚嫁君今畢有無他時重杖履煙
月共招呼

訪謝茂秦談救盧轉事賦贈

道往渾忘寐淒然劍氣生暮春詩送老不夜月
臨城一出原排難千秋有令名憐才誰復似因
見古人情

送徐惟和之貴陽

桃花新水發孤艇下江關顧我還三楚憐君到
百蠻日南浮紫氣雨後見青山別去并州意雄
篇取次刪

壽譚于禮

白髮老江干冥鴻自羽翰閑携鳩竹杖清映鹿
皮冠水近月偏好春深花正繁耆英他日會尊
酒幾交驩

送李少白遊金陵

采石磯頭月停橈爾正看夜深詩思好興到酒
腸寬雲淨三山出江流一葉寒故人如問訊蜀
道古來難

酬張貞卿秀才

之子能讀賦緘書到漢陰風塵難識面意氣總
知心白岳寒雲色滄江落日深幾時下孤艇尊
酒一招尋

壽孫受甫總戎

請給逢昌運憐君是仲謀習家池尚在峴首景
偏幽旗引千山色弧懸萬里秋平生懷頗牧應
待禁中求

飲蕭凌喬宅得濱字

數載返江濱今宵醉故人才華憐汝在披豁見

吾真竹笋當堦出荷花映水新西風將萬里尺
素寄情親

蕭徵君費呂王趙四進士錢余寺閣得朝

市朝清風吹竹樹踈雨滴芭蕉後夜東林會憐

余萬里橋

同日得黎惟敬內史盛仲文秀才書

湖海交游意吾憐二子才喜觀江左賦况寄嶺

南極炎暑涼風徹遙天明月來論心一尊酒何

處爲重開

宿沙洋立秋有懷家大人

忽聽秋聲至蕭蕭思不禁西行隨大火東望快

長林沙羨疑無暑梧桐倍有陰江臯戀游子今

夕好披襟

唐安寺別成仁卿孫子忠二秀才時空吾

知已同相送高僧况皎然一尊聊共醉萬里有

上人與焉

知已同相送高僧况皎然一尊聊共醉萬里有

上人與焉

知已同相送高僧况皎然一尊聊共醉萬里有

誰憐山色來天外
泉聲響坐前
東林如許我結
社好談禪

寄圭兒

家書傳峽口
况是汝生辰
白髮憐遊子
青山度遠臣
十年渾在抱
一別總驚神
巫水知余意
長吹到漢津

山家

茅屋傍山隅
披雲始一呼
樹青見朱果
籬密隱啼鳥
落木時堆戶
流泉自到厨
嚴公畫蜀道
此景入圖無

寄謝少安中丞

偶過玄暉宅
蕭然獨閉關
病餘看白髮
市遠只青山
作賦雄三峽
談經到百蠻
子昂臺尚在
何日共躋攀

游中巖寺有序

青神余太史志中巖
蓋比武夷云沙門隨
景索題得賦八首
昔蘇長公泊巖下
髡奴阻以路險不果游
非山靈之恨耶不穀幸

矣
謁諾距那尊者像蜀人禱子輒應不誤
浮生言嗣籙造化理徧徼南土誰爲主西天爾
不歸陶形人共異石笋世應稀亦願多男子焚
香更一祈

水月樓

登高見新月况復俯長川諸品空中靜三山象
外懸慈航如可泛石鏡若爲圓獨恨僧牢落誰
參不住天

下巖寺

紆殿青江裏維舟暮欲投故鄉天際夢客子水
邊樓霞色紅將斂煙花翠且浮上方有鐘磬明
日更淹留

中巖寺

白雲廻合處徙倚是中峰我自舒長嘯僧來送
短筇陰晴頻作雨上下忽聞鍾不盡徘徊意林
間又夕春

上巖寺

靈巖敞高閣絕頂更披襟一雨層巖出三冬客
髮侵有碑多古字無處覓知音最是山間月憐
余去住心

喚魚潭

諸僧說法處出聽有游魚丙穴誰同美濠梁興
不虛飛泉山頂細霜葉雨中踈似此真無礙塵
心亦漸除

玉泉坎

水曲流盃飲應思晉永和甘泉來石竇古碣倚
山阿行色渾忘去浮踪定再過余家兄弟好此
處幾高歌

脩撰承勛
副使承業

祖覺臺

空門著僧史杖鉢總成玄今日書何在千秋名
自懸墨花逢勝地丹葉下寒泉欲續高僧傳慚
余未有緣

烏尤寺同南憲使作

詞客招尋處重過大士家烏尤山更好青靄日
偏斜雲物頻侵坐霜林已著花嘉州多勝事寧

忍負年華
得平陽胡使君書兼寄康山人
郡閣頻飛夢
翻憐蜀道遙
風流還上黨
雲樹渺中條
萬里書初至
三秋思獨饒
舊時同社侶
鴻鴈得相招

除夕

取醉天涯事
今宵又入唇
東風十度客
西土五更春
家遠書難得
官閑態自真
庭闈與兒女
歲暮定沾巾

得楊懋功罷郡之報感懷兼寄芙蓉社中

諸子

莫說紅顏舊
憐君妬更深
一麾還偃蹇
萬里共浮沉
可畏風塵態
難持去住心
詞場多舊侶
載酒好披襟

岑公洞同王引瞻少叅賦

仙子何年去
還餘洞口香
白雲頻下鶴
紫氣總飛羊
山列岫橫江
浦鳴泉到石床
故人斗酒會
夜色正蒼蒼

靜邊寺

偶過山邊寺居然靜者心
大唐還有碣古殿欲
生陰風雨千巖墮烟蘿一徑深
寒帷春色好無處不登臨

宿慈雲寺讀陳子兼學憲壁間之作感懷
何年過使節隻字重山僧
知爾詩無敵令人思不勝
雲深垂夜雨風急亂慈燈
亦有姑蘇夢空門路幾層

雲臺山懷李元甫修撰先余游此有作見

寄

山遠雲偏近登山雲又孤
文儒兼吏隱欲界有仙都
花柳春三月乾坤酒一壺
獨憐游覽意不與李膺俱

送胡參將之永寧

故人辭我去七首若爲鳴飛檄
方多事臨岐倍有情
青山看萬馬赤水度雙旌
知爾封侯骨黔陽好罷兵

得蕭文明太守書

爲問羅浮興登高屬大夫鴈魚來海島風雨到
夔巫遠道貽金錯冰心自玉壺千秋合浦上應
見有還珠

酬諸給事見懷

忽得同心札徘徊落日停知君能抗疏顧我倦
傳經輦路宮闈紫珂聲瑣闥青淮陽有民隱好
爲達彤廷舊推淮安

叙南道中懷曾司馬

嘉州曾輟棹何日到神京霄漢縣麟閣春風送
魚聲誰言蜀道易公去雪山輕喜見躬耕者奔

趨建武城

寄凌上卿二守兼懷維揚社中陳高王錢

諸子

佐郡憐之子風流衆不如甘棠陰在道令祖撫楚芳

草惜離居遠岫來天外江聲落雨餘因君問同

調淮海榻曾虛

寄懷董少達應試

莫說巴渝路思君夢獨勞蠶叢真萬里鳳舉挾

雙毛雲淨山逾出江空月正高芳洲青似玉乘
興一揮毫

得李本寧關中書却寄

何處秦關路迢迢不易行望君深紫氣顧我老
青城匣裏雙龍劍秋邊一鴈聲華山仙掌露寧
復似金莖

送蔡用卿大參之廣東

萬里褰帷客清朝侍從臣雪山秋正好雲樹遠
難親兵革消炎嶺珠光落海濱一尊今夜酒還
是射洪春

余得宋文與可字碑友人李元甫脩撰爲
詩記之因次其韻亦蜀中奇事也

金馬詞華客誰云久陸沉當年餘翰墨異代有

知音石室原家世丹淵自錦心

公有丹淵集
又文翁之後謫

僊偏感舊風雨一招尋

金沙寺

郭外橫幽寺招尋路更斜前身是金粟此處問
恒沙細雨青松色長空寶樹花亦知禪坐久落

日數聲鴉

薛濤井

洪度今安在鸞牋此更奇人言花蕊好我愛竹
郎詩霜月還千里才清見五離轆轤聲不斷滾
滾有誰知

同梁尚賢大叅范子大僉憲中江響畫寺

閣

高閣空中出長江鏡裏縣喜同金馬彥來問野
狐禪仙樂飄飛棟天花落梵筵峨眉山月好徒

倚向人圓

懷王明受計部

不見仙郎久分携海上樓音書曾七澤風雨又
三秋報主心何壯懷人夢欲浮淮陽有逋賦好
爲緩徵求

得沈子靜司業書却寄

數載同心別休文夢亦隨臨雍聞講易結社幾
談詩尺素南天遠高名北斗垂長安一尊酒何
日慰相思

酬蹇平陽汝上見懷

尺素總銷魂
憐君意氣存
星輅千里遠
露冕百城尊
綠髮人如玉
黃河勢若奔
壯游有司馬
爲我吊龍門

聞轉東藩志感

文教慚牢落
君恩又浪垂
登山逢日觀
戀闕近天池
運道誰長策
淮濱憶舊時
却憐游子意
孤艇下重夔

送楊直卿進士令保山

爾向南荒去
令人賦索居
少年方縮綬
計日有徵書
百畝花堪種
千山錦不如
平生志清白
爲我一縣魚

別梁尚賢大叅

去去嘉陵路
思君縱遠眸
十年同上國
雙劍自中州
山帶驚朱鳳
江心見白鷗
射洪春酒好
若爲主人留

雪夜懷陳于韶憲使

蜀天不見雪
一雪獨徘徊
恰似白鹽峽
翻成玉

壘堆凍雲依短劔寒漏引深杯向晚高樓會歌
聲亂落梅

夢邵海之淮安却寄

何意青天外長淮入夢幽傳書驚日遠爲政自
風流賴爾甘棠澤憐余桂樹秋覺時仍萬里難
下宴花樓

望牛頭寺用杜韻

老僧來谷口爲道寺門深塔遠浮青靄碑多覆
綠陰曇花千澗雨祇樹萬條金獨有風塵客徘徊

一賞心

上牛頭寺用杜韻

古寺青山在今朝到上頭傍城流水渡出郭野
人遊寶蓋乘牛大禪枝怖鴿幽迷津如可問岐
路幾時休

閨中留別王元德憲使

秋雨靈山白西風闌水殘故人詩思好愛我酒
杯寬石黛屏如錦仙臺玉作闌明朝天際去飄
泊萬峰寒

大人家兄遣使至巫山先歸

喜極雙童至行行是楚丘靈蛇珠尚在山鬼嘯

何愁

時尚過蛇倒

穀雨逢春霽朝雲忽晚收寄

言游子近莫倚夕陽樓

送凌尚卿之蜀

伏劔之官日仍登李杜祠回看雲夢遠喜見雪山奇南國春千里東風酒一卮玄亭舊時客得爾慰相思

禪寂寺與峴雲上人談經

征途多夜雨問俗是團風古寺浮天外高僧入定中六塵渾欲斷五蘊本來空獨有長江客明朝一葉東

黎秘書惟敬李臨淮惟寅過訪

竝馬金閨彥相看慰寂寥舊游如雨散高調薄雲霄把酒論心好裁書恨路遙天邊有明月夜夜見孤標

壽劉左史雙壽爲同年伯時太守賦

吏隱何年卜優游亦主恩耆英誰洛社詞賦更

梁園汝嶺看秦嶺玉門是鹿門僊郎况循吏舞
綵細相論公史雙書爲同半命詞太守頌
金山人在衡遣子秀才謁余淮上詩以別
君有青城夢余懷白下心關河憑鴈翼聲價重
鷄林令子驚相似孤舟遠見尋論文一尊酒何
日共淮陰

登金山寺次唐張祜韻

波心橫古寺南北正中分洗鉢窺江月焚香散
水雲聖燈龍曲戲梵語鳥相聞我有山川僻登
臨一醉醺

次唐孫魴韻

紺殿名仍舊靈泉水自新鏡中懸倒影象外絕
飛塵雪浪銀爲界晴沙金作身風流蘇學士解
帶更何人

賀明叔兄得孫

兄喜看黃琬吾猶見阮瞻家聲有朝野瑞氣滿
閭閻大父從今始雲孫不待占相期何物是架

上有牙籤

焦山訪郭次甫不遇

問爾何年隱扁舟偶一尋敢題凡鳥去應識野
鷗心石徑蒼苔沒柴扉綠樹陰山間有孤鶴爲
我發長吟

京口舟中哭內兄童四

正苦同胞逝俄驚異姓兄半生直夢蝶此去是
騎鯨誰抱浮名累空聞大藥成江邊一掬泪應
到竟陵城

荅許殿卿長史見懷之作

白雲縣海岱明月照瓜洲尺素仍千里離懷况
九秋開尊多故侶得句失新愁若問行藏意天
涯獨倚樓

舟中別御史葉男兆兼呈座主張學士

邂逅彭城驛同心話別時回風吹綠蟻細雨濕
青驪霸業千山暮玉程兩岸岐聖明終念直黃
閣有吾師

同莫山人公遠泛寶應湖

故人臨遠浦長嘯散幽襟十載多離夢三巴少
寄音羈愁詩更好垂老酒偏深明月重湖上魚
龍起夜吟
送潘公子應試
揮手君何去行行到鳳池少年潘岳貌當日董
生奇草綠春衣上淮清盡舫時漢庭詞賦就好
爲寄相思

吳山人孝甫走使京口却寄

沉冥詞客興何處更登樓託意時烹鯉盟心或
有鷗青山迷草市綠樹帶瓜洲江上秋風好馮
生一蒯緱

送莫廷韓北上

顧我維孤艇逢君正上書烟花三月候名姓十
年餘流水迴山色青雲隱石渠故人京洛滿應
薦馬相如

袁先生遣季子非之訪余瓜渚時過南雍

懷抱爲誰傾通家舊有盟酒寒殘漏盡話久暮
潮生桃葉江頭渡瓊花路口明別君且南去得

意鳳凰城

胡山人茂承過訪兼得許維楨祭酒書

高士來何處長江一夜潮傳書思故舊對景說
金焦孤嶼春方半中冷渴可消明朝更沽酒登
覽不須邀

遣使詢方子及留都

更作刀州夢分携已十年浮生誰得喪吾道合
迤邐莫訝文爲祟應知謫是僊秣陵烟雨寺乘
暇好談禪

端午懷家按察公

何物酬佳節殊方思不禁江心空有鏡澤畔與
誰吟艾自憐瓜渚蒲還憶隱林先朝舊宮扇曾
念主恩深

喜得三山近誰知五月寒天中驚節至家遠寄
書難聽雨神依竹乘風浴是蘭何須仍續縷不
老有金丹

重送周繼元主政還南都

郭外長江遠孤帆一夜開山公還啓事水部有

多才笛落梅花雨歌殘竹葉杯秣陵應咫尺不
覺重徘徊

鍾繼文戶部還朝遣問京口賦謝

尺素傳瓜渚君行正及瓜三山牽客夢八月憶
僊槎到日恩承露平時翰染霞子牟心魏闕惆
悵尚天涯

金山寺寄徐惟德太守林氏博習官
郡齋名勝處閑亦少風塵地僻思家遠江空見
月真城頭新下鳳天上舊爲麟九轉懷人意

僧問法輪

同康山人哭先兄有作

君聽山陽笛傷心淚有餘情憐驚坐語官老步
兵厨短日迷三筮悲風落五湖長安若箇畔猶
憶酒家壚

喜方子及戶曹至自真州

寥寥淮海上亦有武夷君乍見渾如夢新詩更
不羣大江秋放舸寒雨夜論文莫說平原酒平
原約易分

得馬都閩書却寄

散帙聞清興若才似伏波寢園龍氣合岐路鴈
書多對雨拋金甲乘風嘯玉珂太平無一事老
將帳中歌

蘇伯華山人以鸚鵡詞謁余賦贈

垂老寧干謁名流總見收青蠅原世態白鳥自
汀洲咄咄書空事冥冥避戈謀謾誇鸚鵡調江
夏向含愁

送方子及謫雲南提舉

才子投荒去令人掩涕看詩原追杜甫論可比
桓寬萬里家應遠三山酒易寒東風下環召爲
爾一彈冠

得張幼于書寄懷

淮上頻招隱江東憶步兵鴈魚曾蜀蜀道花鳥自
燕城草市荒烟斷瓜洲積雪明三山一尊酒何
日共班荆

夜宿金山寺讀顧更生評事壁間見懷之作

山靜渾如畫江平似不流老僧乘月舫孤磬散
林丘大地黃金色中天碧玉浮彥先詩更好爲
我滌新愁

舟中同郭次甫望三山

寒雨濛濛落秋雲片片陰山靈原鼎足江海好
披襟風細帆初定情真酒易深重陽應不遠還
上最高岑

別李茂叔文學

春水是王程扁舟送我行名高慚仲舉願解得
匡衡梅雨山如洗花朝草又生問奇一尊酒能
更醉江城

華巒山房爲王用懷太守賦

華巒山城外人應比范卿雲隨揮翰處風送讀
書聲
明主新承寵玄宗舊賜名不知廊廟夜
曾亦夢柴荆

送明叔兄北上兼寄陳祠部費給事

千里驚相見三荆獨愴神吹埴聲自好把酒意
偏親泗水桃花色韓山柳葉新中朝舊遊在急

難似吾真

送吳志說憲使之蜀

叱馭今何往雲安有酒尊舊遊吾益部壯志爾
中原濫瀕真如馬陽臺半是猿褰帷無一事好
帟灤西村

彭城別張蒼卿大叅分得齋字

尊酒正如淮孤舟且泊崖東風吹客鬢明月到
江涯簿領吾終厭詩篇興轉佳故鄉行日醉花
事憶高齋

九日同郭次甫登焦山集鳳亭

此地堪棲鳳孤亭意自新霜囚青女降酒爲白
衣巡杜甫悲秋興林宗折角巾風流應未泯千
載大江濱

崇鳴寺

野寺疎鐘古人來始一鳴隨緣僧自住習靜世
應輕宿鳥窺香影游魚識梵聲振衣重閣晚秋
色大江橫

靈福觀

浩劫何時造先朝不可窮丹懸龍杖外春老兔
絲中泉古消長日溪幽度晚風宅年鑑湖曲吾
意只黃蓬

送劉朴先進士尹會稽

劉寵曾爲郡君今又會稽向來循吏傳好與古
人齊竹箭花封舊蘭亭草色悽若耶山谷叟定
少一錢齋

壽盛母八十

蹠躩垂舞袖白髮近期頤詞客頻稱壽仙郎雅
善詩萱花飛綺閣桃實下瑤池采采東籬菊清
香到酒卮

題采菊園壽盛山人泰甫

盛彥真名士淮南別路賒尋常多翰墨五十是
年華谷水甘浮露金英落帶霞人寰風景異長
得醉黃花

送蕭文明叅知之淮

漢家蕭相國今日借中原綠鬢何人似蒼生待
爾援帆飛山是纜節擁海爲門無限并州意臨

岐總莫論

賀胡國承新居

出郭無塵事澄江日夜東一丘尋勝地三徑有

高風雨潤苔痕綠霜清樹色紅十鄰慈母意咫尺

尺見芹宮

送程生之徽州兼寄龍司理

江上新樓閣君來總勝遊歌聲隨去棹寒色滿

征裘顧我非郊鑒何人是塞脩郡齋如夜話諸

少遜風流

李山人君實過訪

一醉俄成別談鋒總未休微名何處得高調更

誰投風雨頻彈鋏江湖易放舟不須懷刺去十

載識荊州

喜吳江沈封君過訪

荆南明月好何處故人來握手頻看鬢論心數

舉杯才名誰沈宋交誼只陳雷况有諸兄弟柴

扉次第開

葛仙草堂爲內江周憲使賦

真仙煉藥處千載爾徜徉雨氣丹沉竈霞光紫
芝觴靈符竹葉好玉液桃花長况有驚人句時
凌舊草堂詩宋文鑑只刺書武臣詩只取紫
送周少府之鞏昌來對寺殿香深齋論心媿
故人天水去踪跡憶浮湘丹詔還金馬雙旌度
玉狼祁山諸葛廟龍峽杜公堂吊古多君意新
詩好寄將取華苑五地是然非不須對陳去十
別麻城侯子送宋少府詩與持高臨
廿載不相見相思到復城月明江上艇風細竹
間聲訪我還携子逢君更憶兄時光祿少年然
諾在去住若爲輕公下世

送蕭文碩秀才應試

屢世通家久柴扉醉濁醪錦囊存舊草彩筆賦
新濤北闕風雲壯南樓月露高連枝同鳳舉誰
不羨雙毛蘇詩益天韻一孤詞轉四首文守對

寄邵給事守成都

不見故人久相思近若何四郊渾陸海一望是
三峨浣水題詩富玄亭問字多賜環明主意蜀

道少風波

別鮑保之時訪其兄遠安令

偶爾逢高士離亭秋欲分交應慚仲舉詩自學
參軍江濶孤帆落天清一鴈聞神明有茂宰憶
弟正看雲

吳山人孝甫過訪

握手相思苦相逢却破顏書曾傳一紙夢自繞
三山烟水孤舟繫風霜兩鬢班主人正投轄莫
說幾時還

送張貞卿秀才之京師

我愛張華久交情尺素中書從三篋定賦自兩
都雄寶劍輝新月長纓吐晚風子牟頻戀闕今
到大明宮

舟中別龍君善司理

輟棹今南去呼盧幾醉醒赤繩原繫足玉樹倍
含情一水連三楚千山擁百城廟堂多少俊遲
爾到承明

張助甫方伯黃定甫孝廉朱汝脩太醫靜

脩皎如二上人飲莫廷韓館

淨業從來白詩篇爾更玄招呼醉明月意氣倚
長天粲可原方外應劉在目前平生耽閑寂何
處好逃禪

正月望日寇巨源柳陳甫二山人招同張

大助甫方伯飲燈市

此日星橋度相過醉酒樓百綸花氣合七寶夜
光浮檻外呼明月階前控紫駟我心還不淺重
與李膺遊

同趙仁甫梅客生孝廉飲盛山人泰甫宅

遲萬汝脩兵部趙夢白戶部余君房工部

不至

頗怪朝參懶幽齋興有奇酒同河朔飲人似建
安時爽氣吞雲夢高風見武夷翩翩蘭省客何
處更題詩

寒食飲趙夢白計曹時

主上有山陵之行

令節逢仙署乘舟我正過瑞煙三殿遠香雨七

陵多倚檻花盈樹停杯鳥弄歌王孫與芳草握
別柰春何

寶應別嚴子心兼寄郭次甫董述夫吳曰
南陸無從鴈汝翼

送送情無限湖光蕩不如我慚留犢愛君有換
鷺書新月隨孤艇春風度草廬舊時同調者莫
遣信音疎

寄楊肖韓大尹

故人還縮綬數載臥丹丘百里瓢爲郭千山蜃
是樓翰飛天外雨河潤海邊秋珍重明珠在逢
人莫暗投

采石懷龍壻君善時司理徽州

采石江心月臨流一舉杯古人不可見我輩復
重來白岳春雲斷黃山曉樹開它時宮錦過遲
爾謫仙才

寄任五安別駕

不見任棠久裁書對夕暉詩名黃鶴重宦况碧
雞違新月沉江細春潮帶雨微剡溪有孤棹何

日款柴扉

江上寄休寧曾大尹

太白江樓好蒼茫更一憑故人金斗望清吏玉
壺米高棟雲爲蓋踈簾月是燈天邊有雙鳥知
爾定飛騰

曾尹成文昌閣有獻虎子者封虎觀聞而

賦之

白虎何年觀賢侯講席橫風應從漢遠政自與
時清化洽河仍渡文成市不驚潯陽山下石那
得有高名

富池夜泊寄吳明卿大叅

正有同心訪臨岐路更賒山間看隱豹舟次見
神鴉帆落風初定江平月倍華良宵有清夢一
到子雲家

邵子俊過訪得吳明卿先生書

炎暑到江干江深草閣寒尺書來下雉隻字比
驚鸞倚檻蓮多實披襟竹未殘不知吳季重尊
酒爲誰寬

山陰縣志

驚濤澎湃多實如驚濤澎湃未幾不吸其香香在
炎暑既下下以蒸氣而興人其來不勝其數也
臨于外廣以皆其地限以書

區于雲峯

峯巒如蒼風際天以平日對華身皆在深處一
五有同以指謂如嶺更親山川其勢險峻其具
高也文以奇異而喚大祭

山陰縣志



